

4.

Urkunden zur Geschichte der Fehmgerichte.

Aus dem Archive der Stadt Berne.

1.

Ich Johann Selter, van keyserlyker gewalt frygreue tor Wesentfort, bekenne vnd betuge in dussen openen breyue, dat Ich vp huden dach datum dusses breyues den fryenstoill to der Wesentfort myt oirdele vnd myt rechte besetten vnd bekleedet hadde, na gesette keyser Karls hemelyken fryengerichte, dat vor my vor den vors. fryenstoill vnd fryengerichte gekomen is Gerd Schilling van Buruorde, in der tyd Richter to Berne, vnd heuet sich ouermits synen gewonnen vorspreken so daner klage, als Herman Nygestat van wegen des Roden Wolters vor dem fryenstoile gelegen an dem stote vnder Lymborch vp der Lene ouer eme geklaget heuet, nemptlych wu hey in vortyden ouer den Roden Wolter vors. sunder des seluen Wolters rechte gerichtes anbodinge In synen affwesen valsche tuchnisse ouer eme sole hebben laten gaen, vnd des eyn richter gewesen, vnd den so ynborlyke ouersnellet myt mer worden na Inholt der Citacion begreppen, myt rechte entslagen, als eme dar myt oirdele vnd myt rechte to gewysen wert vnd eynen echten rechten fryenscheppen, na fryenstoills rechte myt rechte to geboirt, dat hey der klage vnschuldich sy, vnd en hebbe neyne valsche tughe ouer den Roden Wolter vors. laten gaen, offte ene nergen mede vorsnellet, offte ene vorylet anders dan eme als eynen richter van gerichtes wegen geborde, vnd eme myt ordele vnd myt rechte aff gewonnen vnd aff gedrungen sy, na Inholt des gerichtes schyne dar vp sprekende, Vort synt dar vor my Johann Scherer frygreuen vors. vor dem vors. fryenstoill vnd fryengerichte gekomen Johan Schemelmann Euerz engelen sone, Herman Benneman, Bernd Benneman genant den Howere, Johan Weytemann, Diderich Hatenkerle vnd Diderich Steinkule, alle borgere vnd Inwonere to Berne, fryscheppen des hilligen rykes, vnd hebben sich dar alle vnd eyn itlich bysunder ouermits eren gewonnen vorspreken so daner klage als Herman Nygestat van wegen des Roden Wolters vor dem fryenstoile gelegen an dem stote vnder Lymborch vp der Lene ouer sey geklaget heuet, nemptlych so wu dat sey ouer den Roden Wolter vors. logentalige vnwarafftige tuchnisse gedaen vnd vor deme Richtere Gerde Schillinge van Buruorde bynnen Berne velslyken

*

gesworen sollen hebben myt mer worden in der klage begrepen, na Inhalt der Citacion myt rechte entslagen, als en dar myt oirdele vnd myt rechte to gewysset wort, vnd sych na fryenstoils rechte gebort, Dat sey der clage vnschuldich syn vnd geyne logentalige vnwarassigte tuchnusse ouer den Roden Wolter gedaen en hebben vor deme vors. Richtere vnd gericht, vnd en hebben nicht vellsyken gesworen, dan wes sey ouer den Roden Wolter getuget vnd gesworen hebben, dat sy waer vnd dat hebben sey so van dem Roden Wolter gehort, vnd dat syn sey myt deme gericht vnd myt oirdele vnd myt rechte to gedrungen, als dey Richteschyne dar vp spreckende dat Inneholdet, Vnd wante dan dusse vnschult vnd alle puncte vors. also vor my Johanne Seltere frygreuen vor deme vors. fryenstoile vnd fryengerichte gescheyn is in aller mathen als vors. steyt, dar oirdel vnd recht ouer gegaen is, vnd Ich myn oirkunde vp entfangen hebbe als recht is, Dar ouer vnd ane weren vmbstendere des vors. frygerichtes myt namen Johan van Munster ton Boellere, Lubbert Moryen, Engelbert van Mechelen, Bernd van Belen seligen Berndes sone, Johan Buruort, Godeke Tegeber, Bernd Solbergh, vnd mer guder lude genouch, So heb Ich Johan Selter frygreue vors. des to tuge der warheyt mynen segel van gerichtes wegen vnder an dussen breyff gehangen, Vnd wy Johan van Munster, Lubbert Moryen vnd Engelbert van Mechelen bekennen in dusssem seluen breyue, Dat wy alle vmbstendere des vors. fryengerichtes dar mede ouer vnd ane gewest hebt als vors. steyt, vnd hebt des to tuge der warheyt vnse segele vmb bede wyllen des frygreuen vnd der beklageden vors. mede by des frygreuen segel vnder an dussen breyff gehangen. Datum Anno Domini Millesimo Quadringentesimo Sexagesimo quarto, feria tertia post Urbani papae.

Von den angehängten vier Siegeln ist das zweite und das vierte noch vorhanden, aber sehr beschädigt.

Eine ähnliche Urkunde ist in Betreff Ewert Schroders und Johannis von Swolle, Bürger zu Werne, unter gleichem Datum ausgefertigt.

2.

Ich Johan Selter, van keyserlyker gewalt frygreue tor Wesentfort, bekenne vnd betuge in dussen openen breyue, dat ich vp huden dach datum dusses breyues den fryenstoil to der Wesentfort myt oirdele vnd myt rechte besetten vnd beklebet hadde na gesette keyser Karls hemelyken frygen gericht, dat vor my vnd vor den vors. fryenstoill vnd fryen gericht gekommen synt Bernd Nygehuss, Albert Luber, Wessel Tengelcr,

Hynrich Kortembroidt geheyten Snaetfoet, Johan Hatenkerte, Brunsteyn Smet, dey kleyne Johan vnd Hagen vor den Markede, alle borgere to Werne vnd fryenseppen des hilligen rykes, vnd bekanten dar vor my vnd vor dem vorf. fryenstoile vnd fryengerichte ouermits eren gewonnen vorspreken by dem eede den sey Gode vnd dem hilligen Ryke gedaen hebt, Dat in der sake tusschen den borgemestere vnd Raide van Werne an eyne, vnd dem Roden Wolter an dey ander syden, anders nicht gerichtet offte gehandelt en sy vor dem gerichte to Werne na der ansprake vnd antworde, dan als des gerichtes to Werne wonde vnd recht sy, na recht wysinge des Erfamen Raides van Munster, dey de oirdele dar vp gewyslet hebt alle recht is na erer witschop sunder argelyst. Wante dan dusse bekantnisse wu vorf. steyt also vor my Johan Selter frygreuen, vor dem vorf. fryenstoile vnd fryen gerichte gescheyn is, dar orden vnd recht ouer gegaen is vnd ich myn oirkunde vp entfangen hebbe als fryenstoils recht is, Dar ouer vnd an weren vmbstendere des vorf. fryengerichtes myt namen Johan van Munster ton Boessler, Lubbert Moryen, Engelbert van Mechelen, Bern van Welen seligen Berndes sone, Johan Burfort, Godeke Tegeeder, Bernd Volbergh vnd mer guder lude genouch, So heb Ich Johan Selter frygreue vorf. des to tuge der warheit myn segell van gerichtes wegen vnder an dussen brenff gehangen, Vnd wy Johan van Munster, Lubbert Moryen vnd Engelbert van Mechelen bekennen In dussen seluen brenue, dat wy alle vmbstendere des vorf. fryen gerichtes dar mede ouer vnd an gewest hebt als vorf. steit, vnd hebt des to tuge der warheit vnse segele vmb bede wyl- len des frygreuen vnd der vorf. borgere van Werne mede by des frygreuen segel vnder an dussen brenff gehangen. Datum Anno Domini Millesimo Quadringentesimo Sexagesimo quarto feria 3a post Urbani Papae.

Die vier angehängten Siegel sind insgesamt sehr beschädigt.

3.

Ich Johan Selter, van keyserlyker gewalt frygreue tor Wesentfort, bekenne vnd betuge in dussen oppenen brenue, dat ich vp huden dach datum dusses brenues den fryenstoill to der Wesentfort myt oirdele vnd myt rechte besetten vnd bekleidet hadde na gesette keyser Karls hemelyken fryen gerichte, Dar vor my vor dem fryenstoill vnd fryen gerichte gekomen synt Gert Schillink van Buruorde in der tyd Richter to Werne, Johan Schemelman, Euert Engelen sone, Herman

Benneman, Bernd Benneman genant den Hower, Johan Weyteman vnd Diderich Hatenkerle, vnd hebn alle sementlike vnd een itlick bysunder vor my, vor dem vors. fryenstoile vnd fryengerichte ouermys eten gewonnen vorspreken In ere stede gesat vnd vulmechtich gemaket Diderike Steynkulen borgere to Werne vnd eyn echt recht fry'ceppen des hilligen rykes, vor den alle vors. to rechte to stane vnd sey myt rechte to vordedingen vor Hynricke van Berdinchulen frygreuen vnd vor dem fryenstoile to Lymborch gelegen an dem stote vnder Lymborch vp der Lenne, so alle sey alle vorg. dar geladen synt vp den neesten Dynrstach na vnserz heren hilligen Iychams dage neest komet, van klage wegen Herman Nygestades als van wegen des Roden Wolters, als den Citacion dar vp sprekende dat Inne holdet, sunder argeliff. Wante dan dusse vors. macht dem vors. Diderike Steynkulen van den vors. beklageden also vor my Johan Selter frygreuen vor dem vors. fryenstoile vnd fryengerichte gegeben is In maten vors., dar virdel vnd recht ouer gegaen is vnd Ich myn oirkunde vp enfangen hebbe als recht is, Dar ouer vnd ane weren vmbstendere des fryengerichtes vors. myt namen Johan van Munster ton Boefier, Lubbert Morven, Engelbert van Mechelen, Bernd van Belen seligen Berdes sone, Johan Buxuort, Godeke Tegeder, Bernd Wolbert vnd mer guder lude genouch, So heb Ich Johan Selter frygreue vors. des to tuge der warheit mynen segel van gerichtes wegen vnder an dussen breyff gehangen, Und wy Johan van Munster, Lubbert Morven vnd Engelbert van Mechelen bekennen in dussen seluen breyue, dat wy alle vmbstendere des vors. fryengerichtes dar mede ouer vnd ane gewest hebt als vors. steyt, vnd hebbet des to tuge der warheit vnse segele vmb bede myssen des frygreuen vnd der beklageden vors. mede by des frygreuen segel vnder an dussen breyff gehangen. Datum Anno Domini M^oCCCC^oLXIII^o Des Dynrstages na sunte Vrbanus Daghe.

Von den Siegeln sind zwei verloren gegangen, die beiden andern sehr beschädigt.

Die beiden verlorenen Siegel waren von demselben Material, wie die beiden erhaltenen, und waren ebenfalls von der gleichen Größe. Die beiden erhaltenen Siegel waren von demselben Material, wie die beiden verlorenen, und waren ebenfalls von der gleichen Größe.